

**CYNULLIAD CENEDLAETHOL CYMRU**

---

**OFFERYNNAU STATUDOL**

---

**2004 Rhif (Cy. )**

**GOFAL CYMDEITHASOL,  
CYMRU**

**PLANT A PHOBL IFANC,  
CYMRU**

**Rheoliadau Datgymhwyso rhag  
Gofalu am Blant (Cymru) 2004**

**NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn disodli, gydag addasiadau, Rheoliadau Datgymhwyso rhag Gofalu am Blant (Cymru) 2002. Maent yn darparu ar gyfer yr amgylchiadau lle mae person yn cael ei ddatgymhwyso rhag maethu plentyn yn breifat (rheoliad 3). Yn ychwanegol maent yn nodi'r categorïau o bersonau sydd wedi'u datgymhwyso rhag cofrestru yng Nghymru fel gwarchodwyr plant neu ddarparwyr gofal dydd. Rhaid i bersonau sydd wedi'u datgymhwyso o dan y Rheoliadau hyn beidio â darparu gofal dydd nac ymwneud â rheoli unrhyw ddarpariaeth gofal dydd na chael unrhyw fuddiant ariannol ynddi. Rhaid peidio â'u cyflogi ychwaith mewn cysylltiad â darparu gofal dydd. Mae Rheoliad 6 yn darparu ar gyfer hepgor y datgymhwysiad o dan amgylchiadau penodol gyda'r canlyniad nad ystyrir bod person wedi'i ddatgymhwyso pan fo cydsyniad Cynulliad Cenedlaethol Cymru, neu awdurdod lleol cyn 1 Ebrill 2002, wedi'i roi. Mae Rheoliad 7 yn gosod dyletswydd barhaol ar warchodwyr plant cofrestredig neu ddarparwyr gofal dydd cofrestredig i hysbysu'r Cynulliad Cenedlaethol o unrhyw gollfarn ddilynol neu orchymyn dilynol a fyddai'n sail ar gyfer datgymhwyso.

Paratowyd Arfarniad Rheoliadol mewn cysylltiad â'r Rheoliadau hyn. Gellir cael copi oddi wrth Gyfarwyddiaeth Plant a Theuluoedd, Cynulliad

Cenedlaethol Cymru, Parc Cathays, Caerdydd, CF10  
3NQ (Ffôn: 02920 825736)

**2004 Rhif (Cy. )**

**GOFAL CYMDEITHASOL,  
CYMRU**

**PLANT A PHOBL IFANC,  
CYMRU**

Rheoliadau Datgymhwyso rhag  
Gofalu am Blant (Cymru) 2004

*Wedi'u gwneud* 2004

*Yn dod i rym* 20 Hydref 2004

**TREFN Y RHEOLIADAU**

1. Enwi, cychwyn a chymhwyso
2. Dirymu
3. Dehongli
4. Datgymhwyso rhag maethu plentyn yn breifat
5. Datgymhwyso rhag cofrestru ar gyfer gwarchod plant a darparu gofal dydd
6. Hepgoriadau
7. Dyletswydd i ddatgelu
8. Penderfyniadau rhagnodedig

**YR ATODLEN**

**RHAN I TRAMGWYDDAU**

**PENODEDIG**

**RHAN II PERSONAU SYDD WEDI'U**

**DATGYMHWYSO**

**RHAN III RHESTRY DATGYMHWYSO**

Mae Cynulliad Cenedlaethol Cymru (“y Cynulliad Cenedlaethol), drwy arfer y pwerau a roddwyd i’r Ysgrifennydd Gwladol gan adrannau 68(1) a (2), 79C(2) a (3), 79M(1)(c) a 104(4) o Ddeddf Plant 1989(1), a pharagraff 4 o Atodlen 9A iddi, ac sydd beallach yn arferadwy gan y Cynulliad Cenedlaethol mewn perthynas â Chymru, drwy hyn yn gwneud y Rheoliadau canlynol(2):

### Enwi, cychwyn a chymhwysu

1.—(1) Enw’r Rheoliadau hyn yw Rheoliadau Datgymhwyso rhag Gofalu am Blant (Cymru) 2004 a deuant i rym ar 20 Hydref 2004.

(2) Mae’r Rheoliadau hyn yn gymwys i Gymru.

### Dirymu

2. Dirymir drwy hyn Rheoliadau Datgymhwyso rhag Gofalu am Blant (Cymru) 2002(3).

### Interpretation

3.—(1) Yn y Rheoliadu –

mae i “cyfnod adsefydlu” yr un ystyr â “*rehabilitation period*” yn Neddf Adsefydlu Tramgwyddwyr 1974(ch);

ystyr “y Cynulliad Cenedlaethol” (“*the National Assembly*”) yw Cynulliad Cenedlaethol Cymru;

ystyr “Deddf 2000” (“*the 2000 Act*”) yw Deddf Cyfiawnder Troseddol a Gwasanaethau Llysoedd 2000(d);

ystyr “y Ddeddf” (“*the Act*”) yw Deddf Plant 1989;

mae i “gorchymyn datgymhwyso”, “dedfryd gymhwysol”, “gorchymyn perthnasol” a “prif lys” yr un ystyron â “*disqualification order*”, “*qualifying sentence*”, “*relevant order*” a “*senior court*” yn y drefn honno yn adran 30 o Ddeddf 2000;

---

(1) 1989 p.41.

(2) Mae’r swyddogaethau hyn, i’r graddau y maent yn arferadwy mewn perthynas â Chymru, wedi’u trosglwyddo i Gynulliad Cenedlaethol Cymru gan erthygl 2(a) o Orchymyn Cynulliad Cenedlaethol Cymru (Trosglwyddo Swyddogaethau) 1999, O.S. 1999/672. Mewnosodwyd adran 79M ac Atodlen 9A yn y Ddeddf gan adran 79(2) o Ddeddf Safonau Gofal 2000 (p.14) ac Atodlen 3 iddi. Gweler adran 120(2) o Ddeddf Safonau Gofal 2000 ar gyfer cymhwysiad O.S. 1999/672 at y Ddeddf fel y’i diwygiwyd gan y Ddeddf honno. I gael ystyr “prescribed” gweler adran 105(1) o Ddeddf 1989 ac i gael ystyr “regulations” gweler adran 79B(7) o’r Ddeddf honno a fewnosodwyd gan adran 79 o Ddeddf Safonau Gofal 2000.

(3) O.S. 2002/896 (Cy.102).

(ch) 1974 p.53

(d) 2000 p.43

ystyr “swyddfa briodol” (“*appropriate office*”) –

- (a) os yw swyddfa wedi’i phennu o dan baragraff (2) mewn perthynas ag unrhyw berson, yw’r swyddfa honno;
- (b) mewn unrhyw achos arall, yw unrhyw un o swyddfeydd y Cynulliad Cenedlaethol;

mae i “tramgwydd yn erbyn plentyn” mewn perthynas â thramgwyddau a gyflawnwyd yng Nghymru a Lloegr yr ystyr a roddir i “*offence against a child*” yn adran 26 o Ddeddf 2000;

ystyr “Tribiwnlys” (“*Tribunal*”) yw’r Tribiwnlys a sefydlwyd o dan adran 9 o Ddeddf Amddiffyn Plant 1999(4);

ystyr “wedi’i ddatgymhwyso” neu “wedi’u datgymhwyso” (“*disqualified*”) yw wedi’i ddatgymhwyso neu wedi’u datgymhwyso rhag cofrestru o dan Ran XA o’r Ddeddf ar gyfer gwarchod plant neu ddarparu gofal dydd.

(2) Caiff y Cynulliad Cenedlaethol bennu swyddfa a reolir ganddo yn swyddfa briodol mewn perthynas ag unrhyw berson cofrestredig neu geisydd am gofrestrriad o dan Ran XA o’r Ddeddf.

#### **Datgymhwyso rhag maethu plentyn yn breifat**

4.—(1) At ddibenion adran 68 o’r Ddeddf (personau sydd wedi’u datgymhwyso rhag bod yn rhieni maeth preifat) mae person wedi’i ddatgymhwyso rhag maethu plentyn yn breifat –

- (a) os yw’r person hwnnw wedi’i gollfarnu o unrhyw dramgwydd a grybwyllir yn Rhan I o’r Atodlen; neu
- (b) os yw’r person hwnnw yn berson a grybwyllir yn Rhannau II neu III o’r Atodlen.

(2) Ni fydd person sydd wedi apelio’n llwyddiannus yn erbyn collfarn neu benderfyniad yn berson sydd wedi’i ddatgymhwyso o dan baragraff (1) mewn perthynas a’r gollfarn honno neu’r penderfyniad hwnnw.

#### **Datgymhwyso rhag cofrestru ar gyfer gwarchod plant a darparu gofal dydd**

5.—(1) At ddibenion paragraff 4 o Atodlen 9A i’r Ddeddf (datgymhwyso rhag cofrestru) mae person, yn ddarostyngedig i reoliad 6, wedi’i ddatgymhwyso –

- (a) os yw’n berson sydd wedi’i gollfarnu o unrhyw dramgwydd a grybwyllir yn Rhan I o’r Atodlen;

---

(4) 1999 p.14.

- (b) os yw'n berson a grybwyllir yn Rhannau II neu III o'r Atodlen; neu
  - (c) os yw'r person wedi'i ddatgymhwyso ar unrhyw bryd rhag maethu plentyn yn breifat.
- (2) Yn ddarostyngedig i reoliad 6, mae person sy'n byw –
- (a) ar yr un aelwyd â pherson sydd wedi'i ddatgymhwyso o dan baragraff (1); neu
  - (b) ar aelwyd lle mae unrhyw berson o'r fath yn cael ei gyflogi,

wedi'i ddatgymhwyso.

(3) Ni fydd person wedi'i ddatgymhwyso o dan baragraff (1) mewn perthynas ag unrhyw dramgwydd neu benderfyniad os yw wedi apelio'n llwyddiannus yn erbyn y collfraniad neu'r penderfyniad.

### **Hepgoriadau**

6.- (1) Pan fyddai person wedi'i ddatgymhwyso yn rhinwedd rheoliad 5 ond bod y person hwnnw wedi datgelu i'r Cynulliad Cenedlaethol y ffeithiau a fyddai'n arwain at y datgymhwysiad a bod y Cynulliad Cenedlaethol wedi rhoi caniatâd ysgrifenedig a heb ei dynnu'n ôl, yna ni fydd y person hwnnw'n cael ei ystyried yn berson sydd wedi'i ddatgymhwyso at ddibenion y Rheoliadau hyn oherwydd y ffeithiau a ddatgelwyd felly.

(2) Nid yw person wedi't ddatgymhwyso o dan reoliad 5 os yw'r person hwnnw, cyn 1 Ebrill 2002,-

- (a) wedi datgelu'r ffeithiau a fyddai wedi ei ddatgymhwyso o dan reoliad 5 i awdurdod lleol priodol o dan baragraff 2 o Atodlen 9 i'r Ddeddf; ac
- (b) wedi derbyn cytundeb ysgrifenedig yr awdurdod lleol hwnnw.

### **Dyletswydd i Ddatgelu**

7.—(1) Bydd dyletswydd barhaol drwy gydol y cyfnod cofrestru ar berson sydd wedi'i gofrestru yn warchodydd plant neu'n ddarparydd gofal dydd neu'n cael ei gyflogi mewn cysylltiad â darparu gofal dydd yn unol ag adran 79 o'r Ddeddf i roi i'r Cynulliad Cenedlaethol yr wybodaeth sydd wedi'i rhestru yn is-adran (2) o ran:

- (a) unrhyw orchymyn a wnaed yn erbyn y person cofrestredig;
- (b) unrhyw orchymyn a wnaed yn erbyn person sy'n byw neu'n gweithio ar yr un aelwyd a hwnnw'n orchymyn y mae'r person cofrestredig yn ymwybodol ohono neu y byddai'n rhesymol disgwyl y byddai'n ymwybodol ohono;

(c) unrhyw dramgwydd y mae'r person cofrestredig wedi'i gollfarnu ohono; ac

(ch) unrhyw dramgwydd y mae person sy'n byw neu'n gweithio ar yr un aelwyd wedi'i gollfarnu ohono a hwnnw'n orchymyn y mae'r person cofrestredig yn ymwybodol ohono neu y byddai'n rhesymol disgwyl y byddai'n ymwybodol ohono

sef gorchymyn neu dramgwydd sy'n sail ar gyfer datgymhwyso o dan y Rheoliadau hyn.

(2) Y wybodaeth y mae'n rhaid iddi gael ei rhoi i swyddfa briodol y Cynulliad Cenedlaethol at ddibenion paragraff (1) yw—

(a) manylion union natur y gorchymyn neu'r gollfarn;

(b) pryd y gwnaed y gorchymyn a chan ba gorff neu Lys;

(c) pa ddedfryd a osodwyd;

(ch) os yw ar gael, copi ardystiedig o'r Gorchymyn neu'r Gorchymyn Llys perthnasol yn dystiolaeth o'r gollfarn neu'r gorchymyn arall.

(3) Rhaid i'r wybodaeth y cyfeiriwyd ati ym mharagraff (2) gael ei rhoi i'r Cynulliad Cenedlaethol cyn gynted ag y bo'n rhesymol ymarferol.

(4) Bydd person sydd, heb esgus rhesymol, yn methu â chydymffurfio â gofynion y rheoliad hwn yn euog o dramgwydd.

(5) Bydd person a geir yn euog o dramgwydd o dan y rheoliad hwn yn agored, o'i gollfarnu'n ddiannod, i ddirwy heb fod yn fwy na lefel 5 ar y raddfa safonol.

### **Penderfyniadau Rhagnodedig**

**8.** At ddibenion adran 79M(1)(c) o'r Ddeddf (apelau i'r Tribiwnlys), mae penderfyniad ynglŷn â datgymhwyso person rhag cofrestru ar gyfer gwarchod plant neu ddarparu gofal dydd o dan Atodlen 9A o'r Ddeddf yn benderfyniad sydd wedi'i ragnodi.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(5)

Dyddiad

*Dafydd Elis Thomas*

Llywydd y Cynulliad Cenedlaethol

---

(5) 1998 p. 38.

## YR ATODLEN

### RHAN I

#### TRAMGWYDDAU PENODEDIG

##### Tramgwyddau yn erbyn plant

1. (a) unrhyw dramgwydd yn erbyn plentyn o fewn ystyr “*offence against a child*” yn adran 26(1) o Ddeddf 2000; neu

(b) unrhyw dramgwydd nad yw’n dramgwydd y cyfeiriwyd ato yn (a) ac sy’n cynnwys niwed corfforol i blentyn neu farwolaeth plentyn; ond

ni fydd person wedi’i ddatgymhwyso o dan y paragraff hwn am unrhyw dramgwydd os yw’r person wedi apelio’n llwyddiannus yn erbyn y gorchymyn datgymhwyso (yn unol ag adran 31 o Ddeddf 2000) neu os yw’r Tribiwnlys wedi penderfynu (yn unol ag adran 32 o’r Ddeddf) na fydd y person hwnnw yn ddarostyngedig mwyach i’r gorchymyn datgymhwyso (oni bai bod yr Uchel Lys wedi adfer y gorchymyn datgymhwyso yn unol ag adran 34 o’r Ddeddf) yn sgil penderfyniad o’r fath.

##### Tramgwyddau Eraill

2. Unrhyw dramgwydd –

(a) a gyflawnwyd yn erbyn person 18 oed neu drosodd, ac a grybwyllir ym mharagraff 2 o Atodlen 4 i Ddeddf 2000 y mae dedfryd gymhwysol wedi’i gosod gan brif lys; neu

(b) y mae person wedi’i gyhuddo ohono, ac a gyflawnwyd yn erbyn person 18 oed neu drosodd, a hwnnw’n dramgwydd a grybwyllir ym mharagraff 2 o Atodlen 4 i Ddeddf 2000 ac y mae gorchymyn pethnasol wedi’i osod mewn perthynas ag ef gan brif lys; ond

ni fydd person wedi’i ddatgymhwyso o dan y paragraff hwn am unrhyw dramgwydd os yw’r person wedi apelio’n llwyddiannus yn erbyn y gorchymyn datgymhwyso (yn unol ag adran 31 o Ddeddf 2000) neu os yw’r Tribiwnlys wedi penderfynu (yn unol ag adran 32 o’r Ddeddf) na fydd y person yn ddarostyngedig mwyach i’r gorchymyn datgymhwyso, (oni bai bod yr Uchel Lys wedi adfer y gorchymyn datgymhwyso (yn unol ag adran 34 o’r Ddeddf) yn sgil penderfyniad o’r fath, ac ymhellach bydd person yn peidio â bod



yn berson sydd wedi'i ddatgymhwysu o dan y paragraff hwn os yw'r cyfnod adsefydlu sy'n gymwys i'r collfarniad o dan Ddeddf Adsefydlu Tramgwyddwyr 1974 wedi dod i ben.

3. Tramgwydd o dan unrhyw un o'r canlynol—

- (a) Deddf Tramgwyddau Rhywiol 2003**(a)**
- (b) adran 49 neu 50(9) o'r Ddeddf (tramgwyddau ynglŷn â herwgysio plentyn mewn gofal);
- (c) adran 70 o'r Ddeddf, adran 16 o Ddeddf Plant Maeth 1980**(b)**, neu adran 14 o Ddeddf Plant 1958**(c)** (tramgwyddau ynglŷn â maethu preifat);
- (ch) adrannau 78, 79D, 79E a 79F o'r Ddeddf (tramgwyddau ynglŷn â gwarchod plant a gofal dydd); neu
- (d) paragraff 1(5) o Atodlen 5 i'r Ddeddf, adran 63(10) o'r Ddeddf neu baragraff 2(3) o Atodlen 6 iddi, (tramgwyddau ynglŷn â chartrefi gwirfoddol a chartrefi plant)**(ch)**.

4. Tramgwydd mewn perthynas â chartref plant o dan neu yn rhinwedd unrhyw un o ddarpariaethau canlynol Deddf Safonau Gofal 2000—

- (a) adran 11(1) (methu â chofrestru);
- (b) adran 24 (methu â chydymffurfio ag amodau);
- (c) adran 25 (torri rheoliadau);
- (ch) adran 26 (disgrifiadau ffug o sefydliadau ac asiantaethau); neu
- (d) adran 27 (datganiadau ffug mewn ceisiadau).

### **Tramgwyddau yn yr Alban**

5. Tramgwydd treisio.

6. Tramgwydd a bennir yn Atodlen 1 i Ddeddf Gweithdrefn Droseddol (Yr Alban) 1995**(d)**.

7. Tramgwydd cyfraith gyffredin, sef plagiwm (dwyn plentyn islaw oedran aeddfedrwydd).

8. Tramgwydd o dan adran 52 neu 52A o Ddeddf Llywodraeth Ddinesig (Yr Alban) 1982 (tramgwyddau mewn perthynas â ffotograffau anwedus o blant)**(dd)**.

---

**(a)** 2003 p.42

**(b)** 1980 p.6. Cafodd y ddarpariaeth hon ei diddymu gan Ddeddf Plant 1989.

**(c)** 1958 p.65. Cafodd y ddarpariaeth hon ei diddymu gan Ddeddf Plant Maeth 1980.

**(ch)** Mae'r darpariaethau hyn wedi'u diddymu gan Ddeddf Safonau Gofal 2000 o 1 Ebrill 2002 ymlaen (O.S. 2001/3852)(C.125).

**(d)** 1995 p.46.

**(dd)** 1982 p.45. Mewnosodwyd adran 52A gan adran 161 o Ddeddf Cyfiawder Troseddol 1988 (p.33)

9. Tramgwydd o dan adran 3 o Ddeddf Tramgwyddau Rhywiol (Diwygio) 2000(a) (camddefnydd o ymddiriedaeth).

10. Tramgwydd o dan unrhyw un o'r canlynol—

- (a) adran 81, 83 neu 89 o Ddeddf Plant (Yr Alban) 1995(b) neu adran 17(8) neu 71 o Ddeddf Gwaith Cymdeithasol (Yr Alban) 1968(c) (tramgwyddau llochesu);
- (b) adran 6 o Ddeddf Herwydio Plentyn 1984 (cymryd neu anfon plentyn allan o'r Deyrnas Unedig(ch));
- (c) adrannau 78, 79D, 79E and 79F o'r Ddeddf (tramgwyddau ynglŷn â gwarchod plant a gofal dydd); neu
- (ch) adran 15 o Ddeddf Plant Maeth (Yr Alban) 1984(d) (tramgwyddau ynglŷn â maethu preifat).

11. Tramgwydd o dan neu yn rhinwedd adran 60(3), 61(3) neu 62(6) o Ddeddf Gwaith Cymdeithasol (Yr Alban) 1968 (tramgwyddau ynglŷn â sefydliadau preswyl a sefydliadau eraill).

12. Tramgwydd ynglŷn â gwasanaeth cartref gofal, gwarchod plant neu ofal dydd dros blant, o dan unrhyw un o ddarpariaethau canlynol Deddf Rheoleiddio Gofal (Yr Alban) 2001(dd) neu yn rhinwedd unrhyw un o'r darpariaethau hynny —

- (a) adran 21 (tramgwyddau ynglŷn â chofrestru);
- (b) adran 22 (datganiadau ffug mewn ceisiadau); neu
- (c) adran 29(10) (tramgwyddau mewn rheoliadau).

### **Tramgwyddau yng Ngogledd Iwerddon**

13. Tramgwydd a bennir yn yr Atodlen i Orchymyn Amddiffyn Plant ac Oedolion sy'n Agored i Niwed (Gogledd Iwerddon) 2003(e).

14. Tramgwydd o dan unrhyw un o'r canlynol—

- (a) erthygl 68 neu 69(9) o Orchymyn Plant (Gogledd Iwerddon) 1995 (tramgwyddau ynglŷn â herwydio plentyn mewn gofal)(f);
- (b) erthygl 132 o Orchymyn Plant (Gogledd Iwerddon) 1995, neu adran 14 o Ddeddf Plant

---

(a) 2000 p.42.

(b) 1995 p.36.

(c) 1968 p.49. Diddymwyd adrannau 17(8) a 71 o Ddeddf 1968 gan Ddeddf Plant (Yr Alban) 1995.

(ch) 1984 p.37.

(d) 1984 p.56

(dd) 2001 dsa.8.

(e) O.S. 2003/417 (G.I.4).

(f) O.S. 1995/755 (G.I.2).

- a Phobl Ifanc (Gogledd Iwerddon) 1968 (tramgwyddau ynglŷn â gwarchod plant a gofal dydd);
- (c) erthygl 117 o Orchymyn Plant (Gogledd Iwerddon) 1995, neu adran 9(1) o Ddeddf Plant a Phobl Ifanc (Gogledd Iwerddon) 1968 (tramgwyddau ynglŷn â maethu preifat); neu
- (ch) erthygl 79(3), 81(4), 95(3) neu 97(4) o Orchymyn Plant (Gogledd Iwerddon) 1995, neu adran 127(5) neu 129(3) o Ddeddf Plant a Phobl Ifanc (Gogledd Iwerddon) 1968 (tramgwyddau ynglŷn â chartrefi gwirfoddol a chartrefi plant).

### Tramgwyddau yn Ynnysoedd y Sianel

- 15. Tramgwydd yn groes i'r canlynol —
  - (a) Rhan 7 o Ddeddf Plant (Jersey) 1969**(6)**; neu
  - (b) Deddf Gofal Dydd dros Blant (Jersey) 2002**(7)**.
- 16. Tramgwydd yn groes i'r canlynol—
  - (a) y 'Loi pour la Puniton d'inceste' (Deddf ar gyfer Cosbi Llosgach) 1909**(c)**;
  - (b) y 'Loi Relative à la Protection des Femmes et des Filles Mineures' (Deddf ar gyfer Amddiffyn Menywod a Merched o dan Oedran Cydsynio) 1914**(ch)**;
  - (c) y 'Loi relative à la Sodomie' (Deddf ynglŷn â Sodomiaeth) 1929**(d)**;
  - (ch) erthygl 7, 9, 10, 11 neu 12, adran 1 o erthygl 41 neu adran 1, 2, 3 neu 4 o erthygl 51 o 'Loi ayant rapport à la protection des Enfants et des Jeunes Personnes' (Deddf ynglŷn ag amddiffyn Plant a Phobl Ifanc) 1917**(dd)**;
  - (d) Deddf Plant a Phobl Ifanc (Guernsey) 1967**(e)**; neu
  - (dd) Deddf Amddiffyn Plant (Beiliaeth Guernsey) 1985**(f)**.

---

**(6)** Deddf Jersey 16/1969.

**(7)** Deddf Jersey 51/2002.

**(c)** Gorchymynion yn y Cyfrin Gyngor Cyf IV, t.288.

**(ch)** Gorchymynion yn y Cyfrin Gyngor Cyf V, t.74.

**(d)** Gorchymynion yn y Cyfrin Gyngor Cyf. VIII, t.273.

**(dd)** Gorchymynion yn y Cyfrin Gyngor Cyf V, t. 342, fel y'u diwygiwyd gan y Loi Supplémentaire à la Loi ayant rapport à la Protection des Enfants et des Jeunes Personnes 1937, Gorchymynion yn y Cyfrin Gyngor Cyf XI, t.116, a Deddf Amddiffyn Plant a Phobl Ifanc (Diwygio) 1955, Gorchymynion yn y Cyfrin Gyngor Cyf XVI, t.277.

**(e)** Gorchymyn yn y Cyfrin Gyngor rhif 1 o 1967.

**(f)** Gorchymyn yn y Cyfrin Gyngor Cyf. XXIX fel y'i diwygiwyd gan Orchymyn yn y Cyngor 1 1991, sef Gorchymyn Gweinyddu Cyfiawnder (Beiliaeth Guernsey) (Deddf) 1985.

### **Tramgwyddau yn Ynys Manaw**

17. Tramgwydd a bennir yn Atodlen 8 i Ddeddf Plant a Phobl Ifanc 2001 (Deddf Tynwald)(8).

### **Tramgwyddau eraill**

18. Tramgwydd yn groes i adran 170 o Ddeddf Rheoli Tollau Tramor a Chartref 1979(b) mewn perthynas â nwyddau y gwaherddir eu mewnfario o dan adran 42 o Ddeddf Cydgrynhoi Tollau 1876 (gwaharddiadau a chyfyngiadau)(c) os oedd y nwyddau gwaharddedig yn cynnwys ffotograffau anweddus o blant o dan 16 oed.

19. Tramgwydd yn rhinwedd –

(a) adran 7 o Ddeddf Tramgwyddwyr Rhywiol 1997 (ymestyn awdurdodaeth: Cymru a Lloegr a Gogledd Iwerddon)(ch); neu

(b) adran 16B o Ddeddf Cyfraith Troseddau (Cydgrynhoi) (Yr Alban) 1995 (cyflawni tramgwyddau rhywiol penodol y tu allan i'r Deyrnas Unedig)(d).

20. Tramgwydd yn groes i adran 32(3) o Ddeddf Plant a Phobl Ifanc 1969 (cadw personau absennol).

## **RHAN II**

### **PERSONAU PERTHNASOL**

21. Mae'r person yn rhiant i blentyn y mae gorchymyn wedi'i wneud ar unrhyw bryd ynglŷn ag ef o dan –

(a) adran 31(1)(a) o'r Ddeddf (gorchymyn gofal);

(b) adran 31(1)(b) o'r Ddeddf (gorchymyn goruchwyllo);

(c) adran 44(1) o'r Ddeddf (gorchymyn amddiffyn brys);

(ch) erthygl 50(1)(a) o Orchymyn Plant (Gogledd Iwerddon) 1995 (gorchymyn gofal); neu

(e) adran 31 o Ddeddf Plant a Phobl Ifanc 2001 (Deddf Tynwald).

22. Mae un o'r gorchymynion canlynol wedi'i wneud ar unrhyw bryd ynglŷn â phlentyn er mwyn symud y plentyn o ofal y person perthnasol neu er mwyn atal y plentyn rhag byw gyda'r person –

(a) gorchymyn o dan adran 31(1)(a) o'r Ddeddf;

---

(8) 2001 p.20 (Ynys Manaw).

(b) 1979 p.2.

(c) 1876 p.36.

(ch) 1997 p.51.

(d) 1995 c.39.

(b) unrhyw orchymyn a fuasai wedi'i ystyried yn orchymyn gofal yn rhinwedd paragraff 15 o Atodlen 14 i'r Ddeddf (darpariaethau trosiannol ar gyfer plant mewn gofal gorfodol) petai wedi bod mewn grym yn union cyn y diwrnod y daeth Rhan IV o'r Ddeddf i rym<sup>(9)</sup>;

(c) gorchymyn goruchwyllo a osododd ofyniad preswyllo o dan baragraff 5 o Atodlen 6 i Ddeddf Pwerau Llysoedd Troseddau (Dedfrydu) 2000<sup>(10)</sup> neu adran 12AA o Ddeddf Plant a Phobl Ifanc 1969<sup>(11)</sup> (gofyniad i fyw mewn llety awdurdod lleol);

(ch) gorchymyn o dan erthygl 50(1)(a) o Orchymyn Plant (Gogledd Iwerddon) 1995;

(d) gorchymyn person ffit, gorchymyn hawliau rhiant neu orchymyn ysgol hyfforddi o dan Ddeddf Plant a Phobl Ifanc (Gogledd Iwerddon) 1968<sup>(ch)</sup>;

(dd) gorchymyn amddiffyn plant o dan adran 57 o Ddeddf Plant (Yr Alban) 1995;

(e) gorchymyn gwahardd o dan adran 76 o Ddeddf Plant (Yr Alban) 1995; neu

(f) gorchymyn goruchwyllo sy'n gosod gofyniad preswyllo o dan baragraff 5 o Atodlen 9 i Ddeddf Plant a Phobl Ifanc 2001 (Deddf Tynwald) (gofyniad i fyw mewn llety sy'n cael ei ddarparu gan yr Adran Iechyd a Nawdd Cymdeithasol).

23. Mae gofyniad goruchwyllo wedi'i osod ar unrhyw bryd ynglŷn â phlentyn er mwyn symud y plentyn hwnnw o ofal y person, o dan -

(a) adran 44 o Ddeddf Gwaith Cymdeithasol (Yr Alban) 1968<sup>(d)</sup>; neu

(b) adran 70 o Ddeddf Plant (Yr Alban) 1995.

28. Mae hawliau a phwerau'r person perthnasol mewn perthynas â phlentyn wedi'u breinio ar unrhyw bryd mewn awdurdod lleol yn yr Alban -

(a) o dan adran 16 o Ddeddf Gwaith Cymdeithasol (Yr Alban) 1968<sup>(dd)</sup><sup>(12)</sup>; neu

(b) yn unol â gorchymyn cyfrifoldebau rhiant o dan adran 86 o Ddeddf Plant (Yr Alban) 1995.

---

<sup>(9)</sup> Daeth Rhan IV o'r Ddeddf i rym ar 14 Hydref 1991.

<sup>(10)</sup> 2000 p.6.

<sup>(11)</sup> Diddymwyd adran 12AA gan Ddeddf Pwerau Llysoedd Troseddau (Dedfrydu) 2000.

<sup>(ch)</sup> 1968 p.34 (G.I.). Diddymwyd y darpariaethau sy'n ymwneud â'r gorchymynion hyn gan Orchymyn Plant (Gogledd Iwerddon) 1995 a Gorchymyn Cyfiawnder Troseddol (Plant) (Gogledd Iwerddon) 1998.

<sup>(d)</sup> Diddymwyd adran 44 gan Ddeddf Plant (Yr Alban) 1995.

<sup>(dd)</sup> Diddymwyd adran 16 gan Ddeddf Plant (Yr Alban) 1995.

25. O ran y person—

- (a) mae ei gofrestriad ar gyfer cartref plant wedi'i wrthod o dan adran 13 o Ddeddf Safonau Gofal 2000;
- (b) mae ei gofrestriad ar gyfer cartref plant wedi'i ganslo o dan adran 14 neu 20(1) o Ddeddf Safonau Gofal 2000; neu
- (c) mae wedi bod yn ymwneud â rheoli cartref plant, neu yr oedd ganddo unrhyw fuddiant ariannol ynddo, ac y mae cofrestriad unrhyw berson wedi'i ganslo ar gyfer y cartref hwnnw o dan adran 14 neu 20(1) o Ddeddf Safonau Gofal 2000.

26. Mae cofrestriad wedi'i wrthod i'r person ar unrhyw bryd mewn perthynas â chartref gwirfoddol neu gartref plant, neu mae'r person hwnnw wedi rhedeg cartref gwirfoddol neu gartref plant neu yr oedd fel arall yn ymwneud â'i reoli, neu yr oedd ganddo unrhyw fuddiant ariannol ynddo, ac mae cofrestriad y cartref hwnnw wedi'i ganslo o dan y canlynol, yn ôl y digwydd—

- (a) paragraff 1 o Atodlen 5 i'r Ddeddf(13);
- (b) paragraff 1 neu 4 o Atodlen 6 i'r Ddeddf;
- (c) adran 127 o Ddeddf Plant a Phobl Ifanc (Gogledd Iwerddon) 1968(14); neu
- (ch) erthygl 80, 82, 96 neu 98 o Orchymyn Plant (Gogledd Iwerddon) 1995.

27. O ran y person —

- (a) mae gwaharddiad wedi'i osod arno ar unrhyw bryd o dan—
  - (i) adran 69 o'r Ddeddf, adran 10 o Ddeddf Plant Maeth 1980(c) neu adran 4 o Ddeddf Plant 1958(ch) (pŵer i wahardd maethu'n breifat);
  - (ii) erthygl 110 o Orchymyn Plant (Gogledd Iwerddon) 1995 (pŵer i wahardd maethu'n breifat);
  - (iii) adran 10 o Ddeddf Plant Maeth (Yr Alban) 1984 (pŵer i wahardd cadw plant maeth)(d); neu

---

(13) Mae'r ddarpariaeth hon, a'r rhai a grybwyllir yn yr is-baragraff canlynol, wedi'u diddymu gan Ddeddf Safonau Gofal 2000 a hynny'n weithredol o 1 Ebrill 2002 (O.S. 2001/3852) (p.125).

(14) Cafodd yr adran hon, a phob adran arall o Ddeddf Plant a Phobl Ifanc (Gogledd Iwerddon) 1968 y cyfeirir ati isod yn y rheoliad hwn, eu diddymu gan Orchymyn Plant (Gogledd Iwerddon) 1995.

(ch) 1980 p.86. Cafodd y Ddeddf Plant Maeth ei diddymu gan Ddeddf Plant 1989.

(c) 1980 p.86. Cafodd y Ddeddf Plant Maeth ei diddymu gan Ddeddf Plant 1989.

(ch) 1958 p.65. Cafodd adran 4 ei diddymu gan Ddeddf Plant Maeth 1980.

(d) 1984 p.56.

(iv) adran 59 o Ddeddf Plant a Phobl Ifanc 2001 (Deddf Tynwald) (pŵer i wahardd naethu'n breifat neu osod cyfyngiadau ar hynny); neu

(b) mae wedi cael hysbysiad ysgrifenedig gan Fwrdd Iechyd a Gwasanaethau Cymdeithasol o dan adran 1(3) o Ddeddf Plant a Phobl Ifanc (Gogledd Iwerddon) 1968 (gwrthod cydsynio bod gofal a chynhaliaeth ar gyfer y plentyn yn cael eu rhoi gan berson).

32. Mae cofrestriad wedi'i wrthod i'r person ar unrhyw bryd ar gyfer darparu meithrinfeydd neu ofal dydd neu ar gyfer gwaith gwarchod plant neu mae wedi'i ddatgymhwyso rhag cofrestru neu mae unrhyw gofrestriad o'r fath a oedd gan y person hwnnw wedi'i ganslo o dan, yn ôl fel y digwydd –

(a) adran 1 neu 5 o Ddeddf Rheoleiddio Meithrinfeydd a Gwarchodwyr Plant 1948(a);

(b) Rhan X o'r Ddeddf(b);

(c) Rhan XA o'r Ddeddf;

(ch) (Rhan XI o Orchymyn Plant (Gogledd Iwerddon) 1995;

(d) adran 11(5) neu 15 o Ddeddf Plant a Phobl Ifanc (Gogledd Iwerddon) 1968;

(dd) Deddf Rheoleiddio Gofal (Yr Alban) 2001(c); neu

(e) adran 65 neu adran 66 neu adran 69 o Ddeddf Plant a Phobl Ifanc 2001, neu Atodlen 7 iddi (Deddf Tynwald).

29. Mae cofrestriad wedi'i wrthod i'r person ar unrhyw bryd neu mae ei gofrestriad wedi'i ganslo o dan adran 62 o Ddeddf Gwaith Cymdeithasol (Yr Alban) 1968 (cofrestru sefydliadau preswyl a sefydliadau eraill).

30. Mae cofrestriad yn ddarparwydd asiantaeth gofal plant wedi'i wrthod i'r person ar unrhyw bryd o dan adran 7 o Ddeddf Rheoleiddio Gofal (Yr Alban) 2001 neu mae ei gofrestriad wedi'i ganslo o dan adran 12 o'r Ddeddf honno.

31. Mae'r person wedi'i gynnwys ar unrhyw bryd mewn rhestr o bersonau sy'n anaddas i weithio gyda phlant o dan adran 3 o Orchymyn Amddiffyn Plant ac Oedolion Hawdd eu Niweidio (Gogledd Iwerddon) 2003 neu y mae wedi'i ddatgymhwyso rhag gweithio gyda phlant o dan Ran 2 o'r Gorchymyn hwnnw.

---

(a) 1948 p.53. Cafodd y Ddeddf hon ei diddymu gan Ddeddf Plant 1989.

(b) Diddymwyd Rhan X o Ddeddf Plant 1989 gan Ddeddf Safonau Gofal 2000 a rhoddwyd Rhan XA yn ei lle.

(c) 2001 dsa. 8.

## RHAN III

### RHESTRI PERTHNASOL

#### **Rhestr y Ddeddf Amddiffyn Plant**

32. Person sydd wedi'i gynnwys yn y rhestr o bersonau a gedwir o dan adran 1 o Ddeddf Amddiffyn Plant 1999 (rhestr o'r rhai y mae'r Ysgrifennydd Gwladol yn barnu eu bod yn anaddas i weithio gyda phlant)(15).

#### **Rhestr y Ddeddf Diwygio Addysg**

33. Person sydd wedi'i gynnwys ar y seiliau a grybwyllir yn is-adran (6ZA)(c) o adran 218 o Ddeddf Diwygio Addysg 1988(16), yn y rhestr a gedwir at ddibenion rheoliadau(17) a wnaed o dan is-adran (6) o'r adran honno (rhestr o'r rhai sydd wedi'u gwahardd neu wedi'u cyfyngu rhag addysgu).

#### **Rhestr Deddf Addysg 1996**

34. Mae person sydd wedi'i gynnwys, ar seiliau anaddasrwydd i weithio gyda phlant, mewn unrhyw rhestr a gedwir gan yr Ysgrifennydd Gwladol o bersonau sy'n ddarostyngedig i ddatgymhwysiad a osodir o dan adran 470 neu 471 o Ddeddf Addysg 1996(ch) (datgymhwyso personau rhag bod yn berchenogion ar ysgolion annibynnol neu rhag bod yn athrawon neu gyflogeion mewn unrhyw ysgol).

---

(15) 1999 p.14.

(16) 1988 p.40; mewnosodwyd is-adran (6ZA) gan adran 5 o Ddeddf Amddiffyn Plant 1999 a diwygiwyd is-adran (6) gan yr adran honno a chan adran 290(3) o Ddeddf Addysg 1993 (p.35);

(17) Rheoliadau Addysg (Cyfyngu Cyflogaeth) 2000 (O.S. 2000/2419) yw'r rheoliadau cyfredol.

(ch) 1996 p.56.